

祁縣志 卷貳

縣治行署 學校 田賦丁賦 風俗 物產鹽池 古蹟增置
詞苑詩詞 封爵爵位

敬業堂

祁縣志卷三

祁縣知縣陳 時編輯

縣治

行署

倉場附

自北魏太和由祁城再徙今治明以前舊蹟不少概見惟治南譙樓有宋天聖鐘存焉志載洪武初邱丞建立衙署

本朝來疊加葺理規制畧詳輿圖夫以臨長出治之所匪徒體肅觀瞻一邑圖籍文案廡庫餉糧具在不綦重歟至于行署局院倉場亦聽政者所時身親經歷處也因附及之志縣治

祁縣志

卷三

縣治

一

縣治在城西街明洪武三年縣丞邱昱建中爲堂前爲戒石亭左爲庫房外爲儀門東列軍器架閣庫吏戶禮曹西列承發司兵刑工曹堂後爲內宅東曹後典史宅吏舍在西曹之後舊廡在西曹之南旌善亭在縣門外左申明亭在縣門外右儀門左有土地祠迎賓館預備倉儀門右有犴獄有馬廄正南爲譙樓大門進士閣繩芳記之創始者明縣丞邱昱繼飭者知縣王胤張上達劉銳車錦魏域而賓館倉房則前令張應舉所拓新也萬歷二十五年知縣韓朝貢易獄

牆內外爲磚牆高一丈五尺虎頭獄門一座小獄門一座建磚倉廩二座以藏積穀崇正十七年流賊焚燬正堂五間康熙十二年知縣陳祖法重建二十八年知縣王益聰加脩康熙四十二年知縣高鼐臣改賓館倉房土地祠爲關聖廟左祀鄼侯右祀土地神乾隆四十年知縣羅興禧重脩

縣丞宅在庫東今裁

教諭宅在學宮旁

訓導二員今裁

祁縣志

卷二

縣治

二

主簿宅在堂西今裁

龍舟谷巡檢司在北關明洪武三年設今裁

盤陀遞運所在紫紅鎮明洪武七年設今裁

典史宅在縣堂東

賈令驛驛丞在賈令驛今裁

盤陀驛驛丞在盤陀驛今裁

陰陽學醫學俱在城東街洪武二十三年建

僧會司在上生寺

道會司在太清觀

行署

西關公館明知縣韓朝貢建

來遠公館舊有三所明知縣王牧建今存其一

盤陀公館在驛西明嘉靖十五年叅政高叔嗣檄置

紫紅分司舊社倉基也知縣韓朝貢建知縣趙德重建

今遺址猶存

察院行臺在縣西街明洪武中建隆慶間知縣魏域重

修今改爲社倉

布政分司在縣東街明洪武中建知縣魏域重繕 爲

城守尉署

祁縣志

卷二

縣治

三

按察分司在城南街東巷久廢遺址今爲猪羊市

太守行署在察院巷西明洪武中建知縣魏域重脩今

爲節孝祠

新韓鎮察院行臺明知縣韓朝貢建今亡

養濟院舊在城隍廟東逼城陰冷知縣趙德於明萬歷

三十一年改建在北門外邑厲壇之北

育嬰堂在縣小東街康熙四十五年知縣朱瑄建

漏澤園有二一在縣西十里舖西計地二十四畝邑大

李憲施知縣張應舉置一在縣東龍濟橋東路北

惠民局在縣治西明知縣王牧建今廢

倉場附

預備倉在縣大門內東東西南廩房各五間明知縣張應舉建北廩房五間中亭一座知縣陳祖法建又大門內西舊西廩房五間北廩房三間康熙五十三年知縣姚馥增建東廩房五間雍正五年知縣羅著藻增建西廩房五間歲久舊西廩房及東廩房漸就傾圮乾隆四十四年知縣陳時重建

義倉在城西街栢葉巷

祁縣志

卷二

縣治

四

社倉舊有三一在賈令鎮堡北門外一在西六支堡路東一在紫紅鎮館驛西今移本城舊察院行臺地草場舊在城東南隅因知縣韓朝貢於學西建書院知縣趙德於學西建麟鳳發祥坊俱係戴氏之地給帖兌抵草場改在城隍廟東養濟院遺址今在縣西馬王廟後

學校

化民成俗教學爲先說禮樂而敦詩書晉霸得諡爲文矧欽明濬哲文命祇承爲二帝一王甸服之遺經聖朝久道涵濡百三十餘年觀乎人文以化成天下其必由學乎祁邑聲名文物爲一郡最夫民風關乎士習長令司鐸將欲迪繼起而範先型尚於果行育德經義治事加之意乎記曰三王四代惟其師此物此志也志學校

學宮在縣治東南舊在城南街東巷按察分司地金大

祁縣志

卷二 學校

五

定中知縣傅弼創立明洪武三年縣丞張宏重建十六年知縣楊仲居脩天順間叅政楊璿知縣王肩增葺嘉靖二年巡按御史王秀檄縣令楊本源改建縣治東南督學周宣記中爲大成殿五間東西爲廡各七間前爲戟門三間兩旁爲名宦鄉賢祠各三間南爲櫺星門外豎木坊二座明倫堂五間在殿之左居仁由義各五間在堂之側禮門在兩齋之前儒學門在禮門之前敬一亭在學門左崇聖祠在明倫堂後教諭訓導宅凡三所則附敬一亭旁一修於萬歷九

年知縣張應舉再修於萬歷二十五年知縣韓朝貢
東建文昌閣西建書院萬歷三十一年知縣趙德於
城南牆下築土爲臺兩旁爲雲路俱用磚砌上建登
雲樓一座甬路直達櫺星門下建文廟坊一座德配
天地道貫古今二坊又東西離十餘丈許建興賢育
才二坊戟門增高三尺許殿後建尊經閣五間萬歷
四十六年知縣李元重修崇正十四年知縣崔錫肩
教諭張珮訓周加欄柵易興賢爲奎婁聚曜坊育才
爲麇鳳發祥坊順治十六年知縣郭濤重修戴運昌

祁縣志

卷二

學校

六

記正殿兩廡蔚然一新移置廟前照壁於南城下又
塞東廡旁門以培秀氣至康熙四十四年凡尊經閣
櫺星門登雲樓雲路及各坊並頽壞傾圮知縣朱瑄
重修又移置照壁於文廟坊北五十七年知縣姚馥
雍正七年知縣羅著藻加修乾隆九年知縣朱濶於
櫺星門內開泮池一泓櫺星門外鑿井二乾隆三十
三年知縣汪濤教諭樊廷揚重修教諭宅右建講堂

三間

正殿

至聖先師孔子

四配

復聖顏子

諱回字子淵魯人

述聖子思子

諱伋字子思至聖孫

在殿內東傍西向

宗聖曾子

諱參字子輿南武城人

亞聖孟子

諱軻字子輿一作子車鄒人

在殿內西傍東向

十哲

祁縣志

卷三

學校

七

閔子

諱損字子騫魯人

冉子

諱雍字仲弓鄭成日魯人

端木子

諱賜字子貢衛人

仲子

諱由字子路一字季路尸子史記胥云卞人一云衛人

卜子

諱商字子夏衛人鄭成日溫國卜商

在殿內次東西向

冉子

諱耕字伯牛鄭成日魯人

宰子

諱予字子我鄭成日魯人

冉子

諱求字子有鄭成日魯人

言子 諱 偃 字 子 游 吳 人

顓孫子 諱 師 字 子 張 陳 人

在殿內次西東向

朱子 諱 熹 字 元 晦 一 字 仲 晦 宋 婺 源 縣 人

在殿內次東西向

東廡先賢

蘧子 諱 瑗 字 伯 玉 衛 人

澹臺子 諱 滅 明 字 子 羽 孔 安 國 曰 魯 人

原子 諱 憲 字 子 思 鄭 康 成 曰 檀 弓 云 仲 憲 宋 人

南宮子 諱 适 字 子 容 家 語 云 韜 史 記 云 括 孔 安 國 曰 魯 人

祁縣志

卷二 學校

商子 諱 瞿 成 都 周 公 禮 殿 聖 賢 圖 云 商 瞿 上 字 子 木 魯 人

漆雕子 諱 開 字 子 開 家 語 云 字 子 若 鄭 康 成 曰 魯 人 一 云 蔡 人

司馬子 諱 耕 字 子 伯 牛 孔 安 國 曰 宋 人 一 諱 字 耕 字 伯 牛 家 語 云 犁 耕

有子 諱 若 字 子 若 一 字 子 魯 人

巫馬子 諱 施 字 子 旗 家 語 云 巫 馬 期 字 子 期 鄭 康 成 曰 魯 人 一 云 陳 人

顏子 諱 辛 字 子 柳 史 記 禮 殿 圖 云 顏 幸 鄭 康 成 曰 魯 人

曹子 諱 邴 字 子 人

公孫子 諱 龍 字 子 石 家 語 云 公 孫 龍 衛 人 鄭 康 成 曰 楚 人 孟 子 注 云 趙 人

秦子 諱 商 左 傳 云 秦 丕 茲 字 子 丕 家 語 云 不 慈 鄭 康 成 曰 楚 人 一 云 秦 人

顏子 諱高家語云顏

壤駟子 諱赤禮殿圖云壤西赤字子

石作子 諱蜀家語云石字

公夏子 諱首家語云公夏守字乘一字子

后子 諱處字子里家語云石處

奚容子 諱蒧蒧字子偕魯人

顏子 諱相字襄家語云

句井子 諱疆字子疆一字子界闕里志字

秦子 諱祖字子南鄭

祁縣志 卷二 學校 九

縣子 諱成字子祺家語云字子橫

公祖子 諱云公茲家語云公祖茲禮殿

燕子 諱級字子思家語云

樂子 諱欬家語云樂欣字

狄子 諱黑字皙家語云皙衛人

孔子 諱忠家語云孔弗字

公西子 諱藏家語云公西減字

顏子 諱康之僕字叔家語云字子叔

施子 諱云之常字子恒家

申子 諱 圖 榘 家 語 云 申 儻 字 周 一 云 字 子 周 魯 人 申 續 史 記 云 申 黨 禮 殿

左邱子 諱 明 魯 人

秦子 諱 冉 字 開 家 語 不 載

牧子 諱 皮 朱 註 云 未 詳

公都子

公孫子 諱 丑

張子 諱 載 字 子 厚 宋 郟 縣 人

程子 諱 頤 字 正 叔 宋 河 南 人

西廡先賢

祁縣志

卷三 學校

十

林子 諱 放 魯 人

宓子 諱 不 齊 字 賤 魯 人

公冶子 諱 長 字 子 長 家 語 云 萇 字 子 芝 齊 人

公皙子 諱 哀 字 季 次 家 語 云 公 西 哀 字 沉 禮 殿 圖 云 公 皙 哀 齊 人

高子 諱 柴 字 子 羔 鄭 康 成 曰 衛 人 一 云 齊 人

樊子 諱 須 字 子 遲 鄭 康 成 曰 齊 人 一 云 魯 人

梁子 諱 鱣 一 云 鯉 字 叔 齊 人 一 云 魯 人

冉子 諱 孺 字 子 魯 家 語 云 字 魚 一 字 魯 曾 魯 人

伯子 諱 虔 字 子 柝 家 語 云 魯 人

冉子諱成季字子產鄭

漆雕子諱從字子文魯人

漆雕子諱哆字子斂家語云漆

公西子諱成赤字子華鄭

任子諱選不齊字選家語云

公良子諱成孺字子正鄭

公肩子諱定家語云公肩字

鄒子諱單禮殿圖及徐廣胥云鄒單字子家

罕父子諱黑字索魯人禮殿圖不載

祁縣志 卷二 學校 十一

榮子諱云旗家語云榮祁人物

商子諱澤字子秀一

左人子諱子鄧字行鄭康成曰魯人

鄭子諱作國國字子徒家語云薛邦字子從史記

原子諱亢家語云原抗字籍史記云原

廉子諱潔史記云廉絜字庸家語云字子庸一字

叔仲子諱成會字子期鄭

公西子諱興如家語云公西興

邽子諱子巽字欽鄭康成曰魯人

陳子 諱 亢字子亢一字子禽 陳人 史記不載

琴子 諱 張家語云琴牢字子開 一字張衛人 史記不載

步叔子 諱 乘字子車 鄭康成曰齊人

秦子 諱 非字子之 鄭康成曰魯人 禮殿圖不載

顏子 諱 噲字子聲 鄭康成曰魯人

顏子 諱 何字冉 鄭康成曰魯人 禮殿圖不載

縣子 諱 亶字子象 史記不載

樂正子 諱 克

萬子 諱 章

祁縣志 卷三 學校

周子 諱 敦 頤字茂叔 宋營道人

程子 諱 顥 字伯淳 宋河南人

邵子 諱 雍 字堯夫 宋范陽人

東廡先儒

公羊子 諱 高 齊人

孔子 諱 安國 字子國 至聖 十一世孫 漢魯人

毛子 諱 萇 字長公 漢趙人

高堂生 漢 兗人

鄭子 高 字 密 成 漢人

諸葛子

諱亮字孔明
漢瑯琊人

王子

諱通字仲淹
隋龍門人

司馬子

諱光字君實
宋夏縣人

胡子

諱安國字康
宋崇安人

尹子

諱焯字彦明
字德克宋洛
明一人

呂子

諱祖謙字
恭宋州人

蔡子

諱沈字默
宋建陽人

陸子

諱九淵字子
靜宋金谿人

陳子

諱淳字安
宋龍溪人

祁縣志

卷三

學校

十三

魏子

諱了翁字
父宋邛州人

王子

諱栢字會之
宋金華人

許子

諱衡字仲平
元河南人

許子

諱謙字益之
元金華人

王子

諱守仁字伯
安明餘人

薛子

諱瑄字德
明河津人

羅子

諱欽順字允
升明和人

陸子

諱其字
平湖人

西廡先儒

穀梁子

諱魯人赤字元

伏子

諱鄒平字子賤

后子

諱蒼一云倉字東海人

董子

諱仲舒漢人

杜子

諱偃師春東人

范子

諱甯晉人

韓子諱愈字退之唐南陽人
歐陽子諱修字永叔宋江西人

范子

諱仲淹字希文宋吳縣人

胡子

諱瑗字翼之宋如皋人

祁縣志

卷三

學校

十四

楊子

諱時字中立宋將樂人

羅子

諱從彥字仲素宋南劍人

李子

諱侗字愿中宋劔浦人

張子

諱杖字敬夫宋綿竹人

黃子

諱幹字直卿宋閩縣人

真子

諱德秀字景元更字希宋浦城人

何子

諱基金字子恭宋金華人

趙子

諱復字仁甫宋德安人

金子

諱履祥字吉父元蘭溪人

陳子

諱元都昌人字雲柱

陳子

諱甫明新會人字公

胡子

諱心明餘干人字叔

蔡子

諱明晉江人字介夫

崇聖祠在正殿後東北舊為啟聖公祠

國朝雍正三年

欽改為崇聖祠追封孔子五代王爵復以張載父迪從

祀

正殿

祁縣志

卷三

學校

十五

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

諱路禮殿圖云顏無由顏子父字季

先賢孔氏

諱聖嗣子思父字伯魚至

在殿內東西向

先賢曾氏

諱點史記云曾蒧字皙家語云字子皙曾子父

先賢孟孫氏

諱激字公宜魯公族孟孫之後孟子父

在殿內西東向

東廡

先儒周氏

諱輔成敦頤父

先儒程氏

諱珦字伯溫顥父

先儒蔡氏

諱元定字季通沈父

西廡

先儒張氏

諱迪載父

祁縣志

卷二 學校

十六

先儒朱氏

諱松字喬年熹父

名宦祠在戟門左

鄉賢祠在戟門右

忠義孝弟祠在鄉賢祠南雍正五年知縣羅著藻建

節孝祠在察院巷西舊為太守行署

社學今廢

射圃今廢

昭餘書院舊社學基知縣王時英改為射圃建廳三楹

廳基為鄉官許台僦捐康熙十二年知縣陳祖法又

改爲昭餘書院後廳三楹爲祁大夫祠詳載藝文志
重建鄴侯祠記及昭餘書院記

制書四書大全一部五經大全各一部性理大全一部
通鑑一部孝順事實一部爲善陰騭一部

學田地_{在會善村共水地}四段第一段新渠地係東西
畛計地舊賦役壹拾畝新丈爲壹拾壹畝陸分內磚
井二眼第二段范家地係東西畛舊賦役伍畝新丈
爲伍畝肆分柒釐內磚井一眼內渠地壹分陸釐第
三段長畛地係東西畛舊賦役壹拾畝新丈爲壹拾

祁縣志

卷二 學校

十七

貳畝內磚井一眼第四段梁城地係東西畛計地舊
賦役壹拾貳畝新丈爲壹拾貳畝叁分貳釐內磚井
一眼共舊賦役地叁拾柒畝叁分陸釐新丈爲肆拾
壹畝伍分伍釐地價照舊賦役叁拾柒畝叁分陸釐
一作價銀壹百壹拾貳兩捌分外井價銀柒兩玖錢貳
分共價銀壹百貳拾兩整 水分奉帖立碑官渠水
分往日三十四日一週今後以三十五日一週生員
王興等官渠渠長渠宗賢馬文清羅三仁閻讓楊一
經王普郝冲遜等即便執帖每遇官渠使水勿論春

夏秋冬三十五日一週則是此一晝夜水分係學渠水先年暫用卯辰巳午四時上至王村末挨次使水灌溉學田其未申酉戌亥子丑寅八時年遠混入民間生員馬中龍等力請知縣郭薄改正學水一晝夜租課照舊賦役收租每畝秋七夏三折銀柒錢草五束共折銀貳拾陸兩壹錢壹分肆釐貳毫草壹百捌拾柒束 糧銀照新丈地納糧每畝捌升貳合折銀玖分貳毫共地四十一畝五分五釐該官數三兩七錢四分七釐八毫外雜費銀三錢七分共該納銀

四兩一錢二分二釐 督租從首齋長收管待出貢後交與次齋長挨次輪流凡一切收租納糧共草等項俱以首齋長爲主而衆齋長輔焉 收租奉帖文批允每年計其所入散與諸生不論貧富一概均分諸生中有將學中公禮全出者全領半分者領一半不出者分毫不與永爲定規不得反悔 又學田二十六頃一十六畝五分曉義村共谷三十一石四斗七升二合三勺大義村共谷六石一斗四升六合八勺張家堡共谷三斗七升牛家堡共谷七斗

北堡村共谷二石二斗二升九合太谷沙堡共谷四石九斗一升四合五勺程家莊共谷一斗九升二合五勺張莊共谷九升雅安村共谷二斗二升北谷豐共谷一斗九升五合范公村共谷五斗六升左東村共谷一石七升六合六勺豐澤村共谷七石一斗九升一合一勺南左村共谷六斗朴村共谷四斗四升以上共谷五十八石四斗九升六合五勺係倉房收管每年廩生二十名每名給谷一石四斗六升二合四勺貧士十八名每名給谷一石六斗二升四合九

祁縣志

卷二

學校

十九

勺三抄 又學田四畝在縣東三合村雍正時知縣羅著藻捐每歲納租銀貳兩

學額明洪武初令縣學二十人給廩膳宣德三年增廣生如廩膳之數正統十二年於常額之外選軍民子弟願入學者每生優免二丁克附學生

國朝順治十三年定額祁爲中縣文童每科歲兩試進十二人武童歲試進十二人廩生二十人增廣生如之新人者克附生

田賦 丁賦 稅課

禹貢總銓秸服與厥筐并詳爲粟米力役布縷之權
輿太宰九職閭師八事及唐之租庸調胥木諸此今
之田賦丁賦稅課亦猶行古之道也祁東南皆山乎
衍可疆理者惟西北東南羸而西北絀地非沃饒然
爲四達衝衢供億繁費牧斯土者寓撫字于催科寬
一分使民受一分之惠庶仰副

國家子惠元元之至意也夫志田賦

明原額官民地五千二百五十頃一十六畝一分四釐

祁縣志

卷二 田賦

二十

七毫四絲二忽分爲水上中下四等徵糧

國朝官民地五千一百七十頃五十九畝捌分徵夏稅
麥柒千捌百玖拾石肆斗叁升柒合玖勺內起運貳
千玖百貳拾玖石肆斗存留肆千玖百陸拾壹石叁
升柒合玖勺秋糧壹萬陸千玖百叁拾石貳斗肆升
捌合柒勺內起運捌千叁百叁拾叁石貳斗存留捌
千伍百玖拾柒石肆升捌合柒勺共徵糧貳萬肆千
捌百貳拾石陸斗捌升陸合陸勺今實在民田伍千
壹百陸拾頃貳拾柒畝捌分肆絲陸忽分爲水上中

下灘五等徵糧夏秋共徵糧貳萬肆千柒百叁拾肆石陸斗壹升柒勺伍抄玖撮柒圭壹粒內

本色糧壹千叁百柒拾叁石叁斗貳升貳合肆勺柒抄肆撮捌圭伍粒貳粟

折色糧貳萬叁千叁百陸拾壹石貳斗捌升捌合貳勺捌抄肆撮捌圭伍粒捌粟

帶徵馬草叁萬肆千貳百貳拾束肆分玖釐貳毫正價并脚價共折徵銀叁千伍拾壹兩捌錢柒分壹釐叁毫陸絲

祁縣志

卷二

田賦

二十一

站銀照夏秋稅糧共徵銀壹千玖百壹兩伍錢陸分柒

釐

農桑絲絹共玖拾捌疋內本色絹柒拾捌疋每疋徵銀壹兩叁錢折色絹貳拾疋每匹徵銀柒錢零絲玖兩陸錢正徵并鋪墊脚價共銀壹百陸拾壹兩捌錢捌分捌毫

加增地畝銀肆千陸百叁拾捌兩貳錢玖分壹釐叁絲額外新增豐贍庫糧壹拾壹石壹斗叁合陸勺柒抄玖撮貳圭夏秋并馬草共徵銀玖兩肆錢陸分叁毫叁

絲肆忽陸微柒纖捌沙肆塵

太原左衛坐落屯地四處 雅安屯地壹拾陸頃陸拾陸畝叁分陸釐陸毫伍絲糧柒拾捌石壹斗柒升叁合張家堡屯地壹拾頃捌拾玖畝伍分柒釐陸毫伍絲糧壹百伍石捌斗壹升陸合陽羽東屯地貳拾頃捌拾貳畝肆分陸釐陸毫伍絲糧壹百叁拾叁石陸斗捌升壹合陽羽西屯地貳拾肆頃肆拾伍畝伍分柒釐陸毫伍絲糧壹百壹石叁斗叁升叁合玖勺今實在屯地共柒拾伍頃肆拾壹畝玖分叁釐壹毫陸

祁縣志

卷二 田賦

二十一

絲共徵本色糧肆百貳拾柒石叁斗貳升柒合伍勺陸抄玖撮

王田坐落本縣銀柒百玖兩叁錢貳分玖釐貳毫捌絲以上民田屯田更名田原額并開墾實在熟地共伍千叁百捌拾壹頃陸畝壹分伍釐陸毫陸忽內

民田地伍千壹百柒拾陸頃陸拾肆畝陸分伍釐肆毫肆絲陸忽

屯田地柒拾伍頃肆拾壹畝玖分叁釐壹毫陸絲更名地壹百貳拾捌頃玖拾玖畝伍分柒釐

實徵本色糧壹千柒百玖拾壹石玖斗柒升伍合零內
民米壹千貳百伍石捌斗柒升貳合肆勺零
民黑豆壹百陸拾柒石伍斗肆升肆合伍勺零
民河灘租穀陸拾石玖升伍勺
屯米叁百伍拾捌石肆斗陸升柒合肆勺零
折色糧并馬草絲絹地差及窮丁歸入地糧等共徵銀
貳萬玖千玖百玖拾肆兩叁錢肆分陸釐零

丁賦

明洪武二十四年戶伍千肆百肆拾陸口肆萬肆千貳

祁縣志

卷二 田賦

二十三

百肆拾陸永樂十年戶伍千貳百肆拾捌口肆萬貳
千貳百叁拾玖嘉靖十五年至四十年戶如故口增
至肆萬柒千壹百壹拾壹萬歷十年戶肆千伍百壹
拾陸口伍萬貳百伍

國朝編審實在戶伍千叁百貳拾壹口貳萬柒千玖百
伍拾叁

康熙五十五年六十年雍正四年九年審編共滋生人
五百四十五丁欽奉

恩詔永不加賦

乾隆三十二年四十年確查土著民人實在共人貳萬捌千玖百壹拾貳丁內除紳衿優免肆百伍拾壹丁外實行差人貳萬捌千肆百陸拾壹丁實該均徭銀肆千玖百壹拾伍兩肆錢柒分貳釐零

雍正四年太原左衛左右二所歸併本縣屯丁陸拾丁該均徭銀叁拾壹兩陸錢肆分貳釐零乾隆拾年爲查辦丁糧等事案內陽曲等七縣均攤來屯丁徭銀伍拾柒兩貳錢貳分貳釐零二項共銀捌拾捌兩捌錢陸分肆釐零於本案內攤入本縣屯地徵收

祁縣志

卷二

田賦

二十四

乾隆三年於仰請酌改匠價之輸徵等事案內奉文匠價銀叁拾肆兩貳錢歸入本縣民地糧銀內徵收例不徵耗

以上地丁等項共銀叁萬伍千叁拾貳兩捌錢捌分叁釐七絲八忽五微二纖七沙九塵二渺八埃七漠每年解司庫起運銀二萬六千九百八十八兩三錢三分二釐零

每年官俸役食祭祀等銀一千五百一十五兩三分七釐零

知縣俸銀肆拾伍兩

門子二名銀壹拾壹兩貳錢貳分

皂隸一十六名銀柒拾肆兩柒錢伍分陸釐

馬快手八名銀肆拾肆兩捌錢柒分捌釐

傘扇夫三名銀壹拾陸兩捌錢貳分玖釐

轎夫四名銀貳拾貳兩肆錢叁分玖釐

十級四名銀貳拾貳兩肆錢叁分玖釐

庫子四名銀貳拾貳兩肆錢叁分玖釐

禁卒八名銀陸拾肆兩

祁縣志

卷二

田賦

二十五

民壯三十五名銀貳百伍拾貳兩

縣東西共一十四舖舖司兵五十八名每名銀陸兩

共銀叁百肆拾捌兩

捕快八名每名銀陸兩共銀肆拾捌兩

件作二名學習一名共銀壹拾伍兩

監內更夫五名銀叁拾兩

典史俸銀叁拾壹兩伍錢貳分

門子一名銀陸兩

皂隸四名銀貳拾肆兩

馬夫一名銀陸兩

教諭俸銀肆拾兩

儒學廩膳生員餼廩銀陸拾肆兩

齋夫三名銀壹拾捌兩

膳夫銀壹拾叁兩叁錢叁分叁釐

門斗三名銀壹拾捌兩

孤貧冬衣花布銀壹拾柒兩玖錢叁分陸釐

迎春公費銀伍錢

鄉飲酒禮銀壹拾伍兩

祁縣志

卷二

田賦

二十六

朔望香燭講書紙張筆墨銀伍兩陸錢

文廟崇聖名宦鄉賢春秋二祭社稷壇二祭風雲雷

雨山川壇八蜡廟各二祭共銀柒拾伍兩壹錢捌

分

孟夏雩禮祭銀叁兩

邑厲壇三祭共銀壹拾貳兩

祁大夫祭品銀貳兩柒錢

關聖廟仲春仲夏仲秋三祭共銀貳拾兩捌錢叁分

張都督三祭共銀叁兩

起送赴考正貢旗匾酒席銀陸兩二年一辦共銀一十二兩

對讀膳錄工食銀叁兩叁錢叁分叁釐三年一辦共銀十兩

每年額支驛站銀六千五百二十九兩五錢一分三釐

賈令驛馬六十四匹四季共支銀二千二百四兩四錢二分六釐

馬夫三十二名四季共支銀三百九十六兩四錢八分

祁縣志

卷二 田賦

二十七

廠夫九十名四季共支銀八百八十六兩三分六釐

賈令驛協濟神池趙城三岔站共馬六匹夫三名共扣解銀二百四十七兩九錢六分八釐

盤陀驛馬十匹四季共支銀三百二十一兩四錢三分二釐

馬夫五名四季共支銀五十三兩一錢

所夫三十五名四季共支銀二百九十八兩二錢五分二釐

盤陀驛協濟賈令驛殺虎口保德州共馬十匹夫四

名共扣解銀三百七十兩八分

扣解各案裁減銀一千四百二十六兩二錢三分五

釐

扣解夫馬小建銀七十兩五錢四釐

扣留兩驛官支銀二百五十五兩

存留解司銀一百一十二兩一錢五釐

戶部料銀二十二兩六錢八分一釐脚價銀二錢一

分九釐

農桑銀一十八兩七釐

祁縣志

卷三

田賦

二十八

時憲書紙價銀一十二兩

新中進士旗匾賀儀銀三兩三錢三分三釐三年一辦共銀

兩十

餞送舉人會試盤纏銀二十二兩三年一辦共銀

本府餞送舉人會試銀五錢三分三釐三年一辦共銀

新中舉人花紅酒席銀二兩五錢三年一辦共銀

武舉會試盤纏銀六兩三年一辦共銀

舉人坊牌銀一十三兩三年一辦共銀

本府辦買本色顏料銀六錢二分一釐零

本府黃絲一十斤一十一兩二錢九分九釐徵銀一十一兩二錢一分一釐零

稅課附

酒課商稅契稅頭畜牙當等稅共銀一千二百八十七兩四分九釐

酒課銀一十九兩閏月銀一兩五錢八分三釐

契稅正額銀五十八兩五錢五分一釐盈餘銀一百六十一兩七錢

頭畜稅正額銀一十八兩三錢三釐盈餘銀一百三

祁縣志

卷三

田賦

二十九

兩二分

原額商稅銀一百六兩五分九釐閏月銀八兩八錢四分

溢額商稅銀三十八兩八錢七釐閏月銀三兩二錢三分六釐

猪羊稅盈餘銀八十二兩五分

棉花稅盈餘銀八十兩五錢

牙帖稅銀一百二十五兩四錢

當稅銀四百八十兩

